

Resolución Reitoral do 3 de setembro de 2014 pola que se fai pública a convocatoria de bolsas para a formación complementaria do estudantado no Campus Dixital do Mar Curso 2014-2015, destinadas a estudantes da Universidade de Vigo, para realizar formación práctica no Campus Dixital do Mar

CONVOCATORIA DE BOLSAS PARA A FORMACIÓN COMPLEMENTARIA DO ESTUDANTADO NO CAMPUS DIXITAL DO MAR CURSO 2014-2015

Tanto a Lei orgánica 1/1990 de 8 de outubro de ordenación xeral do sistema educativo, como a Lei orgánica 6/2001 de 21 de decembro de universidades, modificada pola Lei orgánica 4/2007 de 12 de abril de 2007, recollen o establecemento dunha política xeral de bolsas, axudas e créditos ao estudantado universitario.

O proxecto Campus do Mar "Knowledge in depth", do que a Universidade de Vigo é a entidade coordinadora, foi seleccionado polo Ministerio de Educación na convocatoria de 2010 como Campus de Excelencia Internacional de ámbito rexional "CEIR", este proxecto inclúe o desenvolvemento dun programa de apoio a conectividade entre os socios do Campus do Mar, denominado Campus Dixital do Mar.

O obxectivo do "Campus Dixital do Mar" é proporcionar un conxunto de servizos dixitais para permitir a científicos, profesores e alumnos do Campus do Mar, investigar xuntos e aprender xuntos estando fisicamente en diferentes cidades, países ou continentes.

Co obxecto de formar a técnicos cualificados no ámbito das tecnoloxías da información e comunicación dentro do Campus Dixital do Mar, esta Reitoría

RESOLVE:

1-Convocar sete (7) bolsas de formación complementaria no Campus Dixital do Mar, destinadas a alumnos da Universidade de Vigo que estean cursando estudos de licenciatura ou grao nalguna das titulacións afíns á formación práctica que van desenvolver ao longo do período de goce da bolsa, consonte coas bases da convocatoria expostas a continuación.

2-Ordenar a publicación da devandita convocatoria nos taboleiros de anuncios do rexistro xeral, dos rexistros auxiliares da Universidade de Vigo e na páxina web do Campus do Mar.

Contra esta Resolución, que esgota a vía administrativa, poderá interpoñer recurso perante a xurisdición contencioso-administrativa, no prazo de dous meses contados a partires do día seguinte ao da súa publicación, de conformidade co disposto na Lei 29/1998, do 13 de xullo, reguladora da Xurisdición Contencioso Administrativo.

Así e todo, o/a(s) interesado/a(s) poderá(n) optar por interpor contra esta Resolución recurso de reposición, no prazo dun mes contado a partires do día seguinte ao da publicación da presente Resolución, perante o mesmo órgano que a ditou; neste caso non caberá interpor o recurso contencioso administrativo antes citado namentres non recaia resolución expresa ou presunta do recurso de reposición, segundo o disposto na Lei 30/92, do 26 de novembro, de Réxime Xurídico das Administracións Públicas e do Procedemento Administrativo Común.

Vigo, 3 de setembro de 2014

O REITOR

NOTA: Dilixencia para facer constar que este acordo publícase nos taboleiros de anuncios do Rexistro do Campus de Vigo desta Universidade con data 3 de setembro de 2014.

Xefa da Secretaría do Reitor

Carmen Estévez



Universidade de Vigo -
Rexistro Xeral

Saída Nº. 201400015902
03/09/2014 13:53:07

CONVOCATORIA DE BOLSAS PARA A FORMACIÓN COMPLEMENTARIA DO ESTUDANTADO NO CAMPUS DIXITAL DO MAR CURSO 2014-2015

BASES QUE REGULAN A CONVOCATORIA.

1. OBXECTO

O obxecto desta convocatoria é facilitar que estudantes da Universidade de Vigo presten a súa colaboración, en réxime de compatibilidade cos seus estudos, nos servizos do Campus Dixital do Mar no campus de Vigo, Lagoas-Marcosende. Preténdese que os beneficiarios das bolsas se inicien en tarefas que, ou ben estean vinculadas aos estudos que está cursando, ou ben lle sirvan de aprendizaxe laboral e, deste modo, contribuír a súa formación nunha materia concreta, incorporándoo a un contorno de traballo real nun Campus de Excelencia Internacional Universitario.

2. REQUISITOS DOS SOLICITANTES

Os/as solicitantes das bolsas deberán cumprir os seguintes requisitos:

- Ter superados a lo menos o 50% dos créditos en calquera dos estudos conducentes á obtención de títulos oficiais de grao ou licenciatura na Universidade de Vigo, incluídos aqueles que estean realizando o Proxecto de Fin de Carreira ou Tese de Licenciatura, estar matriculado/a no curso 2014-2015 e que acrediten un nivel de coñecemento axeitado á súa finalidade, isto é, que teñan os coñecementos precisos que lles permitan ampliar a súa formación no obxecto desta convocatoria.
- Cumprir os requisitos específicos de cada bolsa indicados no anexo II

3. CARACTERÍSTICAS DAS BOLSAS:

O/a bolseiro/a colaborará co Campus do Mar na realización das tarefas indicadas no anexo II segundo o tipo de bolsa.

As persoas beneficiarias das bolsa estarán baixo a titoría de do Profesor Domingo Docampo Amoedo como delegado do Reitor para o Campus Dixital do Mar, que se responsabilizará da formación impartida e do desempeño da actividade de colaboración así como da orientación do desenvolvemento da bolsa.

Ao finalizar o período de duración da bolsa e co obxecto de avaliar o período formativo elaborárase un informe sobre a persoa beneficiaria da bolsa.

4. INCOMPATIBILIDADES:

O goce das bolsas de formación complementaria é incompatible con calquera relación laboral ou administrativa pola que se perciban retribucións a cargo dalgunha entidade pública ou privada. Así mesmo é incompatible coa prestación ou subsidio por desemprego.

O goce desta bolsa non pode simultanearse con calquera outra bolsa de formación complementaria convocada pola Universidade de Vigo. O estudantado non poderá gozar das Bolsas do Campus Dixital do Mar en máis de dúas convocatorias de forma consecutiva ou discontinua.

No caso de que a persoa bolseira goce doutra bolsa distinta ás de axuda ao estudo, deberá solicitarlle ao reitor a súa compatibilidade. No caso contrario, poderá ser causa de anulación da condición de persoa bolseira ao que se refire esta normativa.

5. DURACIÓN DA BOLSA:

Cada bolsa terá unha duración máxima de 10 meses, entre o 1 de novembro de 2014 e o 31 de agosto de 2015. O número de horas de colaboración será de 20 horas semanais.

6. DOTACIÓN E PAGAMENTO

A dotación de cada bolsa será de un máximo de 440 € brutos mensuais e estará suxeita á retención por IRPF e as obrigas de cotización á seguridade social que estableza a normativa vixente nestas materias.

Os fondos destinados a esta acción irán a cargo das seguintes aplicacións orzamentarias:

- **2014 0000 131HCEX 482.11:** o importe do crédito orzamentario retido para esta convocatoria ascende a 6.646,08 euros (6.160 euros por dotacións brutas das bolsas e de 486,08 euros en concepto de cotas patronais).
- **2015 0000 131HCEX 482.11:** o importe do crédito orzamentario retido para esta convocatoria ascende a 26.584,32 euros (24.640 euros por dotacións brutas das bolsas e de 1.944,32 euros en concepto de cotas patronais).

O pagamento da bolsa realizarase mensualmente e retribuirá as horas realizadas nese período conforme o establecido nesta convocatoria e, sempre que o beneficiario/a estea ao corrente con seus pagos de matrícula coa Universidade de Vigo.

A aceptación da bolsa farase mediante documento asinado polo beneficiario no que se compromete a cumprir tódalas condicións recollidas nas presentes bases, e iniciaranse entón os trámites para proceder aos correspondentes pagamentos.

7. PRAZO DE PRESENTACIÓN DE SOLICITUDES:

O prazo de presentación de solicitudes comezará o día seguinte ao da publicación desta Resolución no taboleiro de anuncios da Reitoría da Universidade de Vigo e rematará **o 3 de outubro de 2014.**

A solicitude, en modelo normalizado publicado como Anexo I deste documento, e máis a documentación presentárase nos rexistros da Universidade de Vigo ou por calquera outro medio previsto no artigo 38.4 Lei 30/92, de 26 de novembro, modificada pola Lei 4/99 do 13 de xaneiro de réxime xurídico das administracións públicas e do procedemento administrativo común.

8. DOCUMENTACIÓN A ACHEGAR XUNTO COA SOLICITUDE:

O/A solicitante deberá acompañar, obrigatoriamente, a seguinte documentación no momento da presentación da solicitude:

- Impreso de solicitude (anexo I)
- Fotocopia do D.N.I., ou equivalente para os nacionais dos Estados membros da Unión Europea. Copia do pasaporte para o resto de solicitantes.
- Certificado de estar matriculado na Universidade de Vigo ou compromiso de matrícula do solicitante.
- Certificación académica detallada dos estudos realizados ata a fecha de solicitude da bolsa na que figuren as cualificacións obtidas, as súas datas de obtención e o número exacto de convocatorias investidas en cada materia (orixinal ou fotocopia compulsada). Non serán válidas as certificacións extractadas do expediente académico do/a solicitante.
- *Currículum Vitae*, no que se indicarán os coñecementos de formación previa que considere de interese para a función a desenvolver, e todos aqueles documentos acreditativos. Deberán resaltarse aquelas actividades relacionadas co obxecto da convocatoria.
 - De ser o caso, xustificante de goce de bolsas distintas ás de axuda ao estudo.
 - Vida laboral.
 - Documento asinado polo solicitante no que estableza a súa prioridade na petición das bolsas entre todas as ofertadas

Ás persoas solicitantes tamén se lles poderán requirir que acheguen aqueles outros documentos que fosen precisos para aclarar os datos necesarios para o outorgamento da axuda.

Unha vez recibidas as solicitudes e revisada a documentación presentada, publicarase unha lista provisional de solicitudes admitidas e excluídas, indicándose a/s causa/s de exclusión, e darase un período de 10 días naturais para subsanar erros. Transcorrido ese prazo publicarase o listado definitivo de solicitudes admitidas e excluídas.

As resolucións reitorais coas listas provisionais e definitivas de admitidos e excluídos publicaránse no taboleiro de anuncios do Rexistro Xeral da Universidade de Vigo, nos rexistros auxiliares da Universidade de Vigo e na páxina web do Campus do Mar.

Segundo a normativa de protección de datos, infórmase a cada candidato/a que os seus datos van formar parte dun ficheiro cuxo responsable é a Universidade de Vigo. Os seus datos serán tratados para a finalidade de incorporalos ao proceso de selección desta convocatoria e outras convocatorias con fins semellantes. O/a candidato/a poderá exercer os seus dereitos de acceso, rectificación, cancelación e oposición dirixindo unha solicitude con copia do seu NIF ou pasaporte ao Campus do Mar. Atendendo ao artigo 14.2 do R.D. 1720/2007, infórmase que, se no prazo de 30 días o/a candidato/a non manifesta a súa oposición, entenderase que

consente a que se manteña o tratamento dos seus datos. O/a candidato/a poderá revogar este consentimento en calquera momento.

9. VALORACIÓN DAS SOLICITUDES E NOMEAMENTO DOS BOLSEIROS.:

A Comisión de Avaliación está formada por:

- O Delegado do Reitor para o Campus Dixital do Mar, Domingo Docampo Amoedo
- O Director da Área de Tecnoloxías da información e Comunicaci3ns, Juan Aguiar Fernández

Esta comisi3n arbitrará os mecanismos e medios para proceder á avaliación e selecci3n das solicitudes presentadas, tomando como base os seguintes criterios e baremos:

- Nota media do expediente académico do solicitante: ata 4 puntos
- Ter realizado cursos relacionados coas actividades obxecto da beca solicitada organizados ou impartidos por universidades, organismos públicos ou centros de formaci3n: 1 punto. A valoraci3n dos cursos farase de acordo co seguinte criterio: 1 punto/60 horas lectivas
- Outros méritos: ciclos formativos relacionados coa convocatoria: ata 1 punto.
- Entrevista persoal: ata 4 puntos. Accederán á entrevista persoal os que est3n a 2 ou menos puntos da puntuaci3n máxima acadada para cada praza.

Efectuada a valoraci3n, publicarase no taboleiro de anuncios do Rexistro Xeral da Universidade de Vigo, nos rexistros auxiliares da Universidade de Vigo e na páxina web do Campus do Mar.a Resoluci3n reitoral pola que se fará pública a listaxe provisoria coas persoas seleccionadas. Nun prazo de dez días naturais dende a publicaci3n da citada resoluci3n poderanse presentar as alegaci3ns que se consideren oportunas. As devanditas alegaci3ns serán estudadas pola Comisi3n, que elevará a correspondente proposta de resoluci3n, procedéndose a continuaci3n a publicar mediante Resoluci3n reitoral a listaxe definitiva de bolsas concedidas, as denegadas coas causas de denegaci3n e a listaxe de agarda ordenada de maior a menor puntuaci3n. Esta listaxe de agarda será empregada para cubrir posibles baixas.

A renuncia á bolsa, que deberá facerse por escrito cunha antelaci3n mínima de vinte días á data da baixa, permitirá a adxudicaci3n desta, e polo resto da súa vixencia, ao/á solicitante que corresponda da lista de agarda. De terse iniciado o período de goce da bolsa, a renuncia a ela suporía a supresi3n das percepci3ns económicas inherentes a esta desde a data en que se presentara a renuncia.

Cando un/unha bolseiro/a cese, será substituído por un/unha dos/as suplentes, sempre que reste un período de disfrute igual ou superior a 5 meses e que o/a suplente curse nese momento estudos nas Universidade de Vigo e reúna os requisitos desta convocatoria.

10. OBRIGAS:

O/A adxudicatario/a da bolsa quedará obrigado/a a colaborar co Campus Dixital do Mar nas actividades desenvolvidas por este de acordo coas tarefas detalladas no anexo II para cada tipo de bolsa.

Os/as bolseiros/as seleccionados/as terán que manter a condici3n de universitario/a durante o período de goce da bolsa.

Os/as bolseiros/as seleccionados/as deberán presentar unha memoria das actividades realizadas na oficina do Campus do trala finalización da súa bolsa.

11. REVOGACIÓN DAS AXUDAS:

A concesión destas bolsas e a permanencia nas listaxes de agarda pode ser revogada polos seguintes motivos, procedéndose a reclamar de oficio, de ser o caso, o importe total das cantidades incorrectamente abonadas:

- Incumprimento total ou parcial de calquera das condicións e das obrigas especificadas nesta convocatoria.
- Pola perda da condición de universitario/a.
- Ocultación de datos, a súa alteración ou calquera manipulación da información solicitada.
- Incompatibilidade da bolsa segundo o punto 4 desta convocatoria.

12. ADICIONAIS.

Todas as dúbidas que poidan xurdir na interpretación destas normas serán resoltas polo Director do Campus do Mar.

Calquera reclamación ou queixa que queira presentar un bolseiro ou bolseira farase chegar ao Director do Campus do Mar a través do seu titor.

O desfrute da bolsa suporá a aceptación do previsto no Real Decreto 1493/2011, de 24 de outubro, *"por el que se regulan los términos y las condiciones de inclusión en el Régimen General de la Seguridad Social de las personas que participen en programas de formación..."* publicado no BOE do 27 de outubro, respecto á alta na Seguridade Social.

Os/as bolseiros/as non adquiren ningunha relación contractual administrativa ou estatutaria coa Universidade de Vigo, nin a bolsa implica compromiso en canto á posterior incorporación dos interesados/as aos cadros de persoal da Universidade.

ANEXO II: Bolsas ofertadas

1. Bolsa Tipo-1: Colaboración para Soporte a Usuarios, grabación de clases, Escuela Internacional de Postgrado e Organización WebTV (2 prazas)

Os/as bolseiros/as desenvolverán as seguintes funcións: Colaboración no soporte a usuarios do Campus Dixital do Mar, no proxecto de grabación de clases, nas sesións de videoconferencia da Escola Internacional de Postgrado e na organización das tarefas de produción audiovisual da WebTV, CampusdoMar-TV.

Requisitos específicos: Ter superado dúas materias de informática nun centro universitario ou ter realizado un mínimo de 120 horas lectivas en cursos de informática.

Obxectivos formativos: Mellorar as habilidades e técnicas comunicativas, a capacidade de relación, a responsabilidade e a capacidade de organizar as súas propias tarefas.

Formación técnica: Sesións formativas, ao inicio da prestación, e seguimento ao longo do período da bolsa.

2. Bolsa Tipo-2: Colaboración na Producción Audiovisual de CampusdoMar-TV (2 prazas)

Os/as bolseiros/as desenvolverán as seguintes funcións: Colaboración na produción y postproducción de conferencias, reportaxes, spots, video-comunicados y video-noticias sobre o Campus do Mar

Requisitos específicos: Ser estudante de Comunicación Audiovisual, Márketing e Publicidade o titulación afín

Obxectivos formativos: Mellorar as habilidades e técnicas comunicativas, a capacidade de relación, a responsabilidade e a capacidade de organizar as súas propias tarefas.

Formación técnica: Sesións formativas, ao inicio da prestación, e seguimento ao longo do período da bolsa.

3. Bolsa Tipo-3: Colaboración no desenrolo da Plataforma de gravación automatizada de Clases (1 praza)

Os/as bolseiros/as desenvolverán as seguintes funcións: Colaboración en la creación y operación do sistema de gravación automatizada de clases con plataforma Opencast-Matterhorn do Campus do Mar.

Requisitos específicos: Ser estudante de Enxeñería o informática. Ter coñecementos de sistemas LAMP, Linux y JAVA. Idioma INGLES fluído.

Obxectivos formativos: Mellorar as habilidades e técnicas comunicativas, a capacidade de relación, a responsabilidade e a capacidade de organizar as súas propias tarefas.

Formación técnica: Sesións formativas, ao inicio da prestación, e seguimento ao longo do período da bolsa.

4. Bolsa Tipo-4: Colaboración na mellora da plataforma de WebTV PuMuKIT (1 praza)

Os/as bolseiros/as desenvolverán as seguintes funcións: Colaboración na implementación de novas funcionalidades na plataforma aberta PuMuKIT que soporta a WebTV do Campus do Mar.

Requisitos específicos: Ser estudante de Enxeñería o informática. Ter coñecementos de sistemas LAMP y Linux

Obxectivos formativos: Mellorar as habilidades e técnicas comunicativas, a capacidade de relación, a responsabilidade e a capacidade de organizar as súas propias tarefas.

Formación técnica: Sesións formativas, ao inicio da prestación, e seguimento ao longo do período da bolsa.

5. Bolsa Tipo-5: Colaboración en proxectos Internacionais de WebTV (1 praza)

Os/as bolseiros/as desenvolverán as seguintes funcións: Colaboración en proxectos internacionais baseados no uso de plataformas WebTV en contornas universitarias. Colaboración con outras institucións na instalación e adaptación de plataformas PuMuKIT e Opencast-Matterhorn

Requisitos específicos: Ser estudante de Enxeñería o informática. Ter coñecementos de sistemas LAMP, Linux y JAVA. Idioma INGLES fluído.

Obxectivos formativos: Mellorar as habilidades e técnicas comunicativas, a capacidade de relación, a responsabilidade e a capacidade de organizar as súas propias tarefas.

Formación técnica: Sesións formativas, ao inicio da prestación, e seguimento ao longo do período da bolsa.